

欽定四庫全書

子部

本草綱目卷四十三



南京中医药大学图书馆版权所有

詳校官太醫院醫士臣程泰

編修臣倉聖脈覆勘

欽定四庫全書

本草綱目卷四十三目錄

鱗部

李時珍曰鱗蟲有水陸二種鱗屬皆卵生而蝮蛇胎產水族皆不瞑而河豚目眨藍蛇之尾能解頭毒沙魚之皮還消鱗積非知者孰能察之唐宋本草蟲魚不分今析為鱗部九十四種分四類曰龍曰蛇曰魚曰無鱗魚

神農本草經七種

梁陶弘景註

名醫別錄一十種

梁陶弘景註

唐本草一種唐蘇恭

本草拾遺二十八種唐陳藏器

食療本草六種宋孟詵張鼎

開寶本草一十一種宋馬志

嘉祐本草一種宋掌禹錫

日華本草一種宋人

食鑑本草一種明寧原

本草綱目二十八種明李時珍

附註魏吳普本草宋雷斅炮炙論

李當之藥錄齊徐之才藥封

唐甄權藥性唐李珣海藥

孫思邈千金食治楊損之刪繁

南唐陳士良食性宋蘇頌圖經

蜀韓保昇重註唐慎微類證

宋寇宗奭衍義金張元素珍珠囊

陳承別說元李杲法象

王好古湯液

元朱震亨補遺

吳瑞日用
明汪穎食物

汪機會編

陳嘉謨蒙荃

鱗之一

龍類九種

龍 本經

弔 拾遺即

紫稍花

蛟龍 網目
蜃附

鼉龍 本經

鯪魚 別錄即
穿山甲

石龍子

本經
即蜥蜴

守宮

綱目
二時蟲附十

蛤蚧

開寶

鹽龍

綱目

右附方舊十九新四十五

鱗之二

蛇類十七種

蛇蛻

本經

冉蛇

別錄

鱗蛇 網目

白花蛇 開寶

烏蛇 開寶

金蛇 開寶 銀蛇附

水蛇 網目

蛇婆 拾遺

黃頷蛇 網目 赤棟蛇附

蝮蛇 別錄 斫木蛇附

蛇 別錄

藍蛇 拾遺

兩頭蛇 拾遺

天蛇 綱目

苟印 拾遺

蛇角 綱目 卽
骨咄犀

諸蛇 綱目

右附方舊十六新六十

本草綱目卷四十三目錄

欽定四庫全書

本草綱目卷四十三

明 李時珍 撰

鱗之一
龍類九種

龍
本經上品

釋名
時珍曰按許慎說文龍字篆文象形生肖論云龍耳虧聰故謂之龍梵書名那伽

集解
時珍曰爾雅翼云龍者鱗蟲之長王符言其形有九似頭似駝角似鹿眼似鬼耳似牛項似蛇

腹似蜃鱗似鯉爪似鷹掌似虎背有八十一鱗具九陽數聲如曳銅盤口有鬚髯頷有明珠喉有逆鱗

頭有博山又名尺木龍無尺木不能升天呵氣成雲
既能變水又能變火埤雅云龍火得濕則焰得水則
燭以人火逐之即息故人之相火似之龍卵生思抱
雄鳴上風雌鳴下風因風而化釋典云龍交則變為
二小蛇又小說載龍性粗猛而愛美玉空青嗜燕肉
畏鐵及茵草蜈蚣棟葉五色絲故食燕者忌渡水祈
雨者用燕鎮水患者用鐵激龍者用茵草祭屈原者
用棟葉色絲裹糗投江醫家用龍骨當知其性如此

龍骨

別錄曰生晉地川谷及太山巖水岸土穴中死
龍處採無時弘景曰今多出梁益巴中骨欲得

脊腦作白地錦文紙之著古者良齒小強猶有齒形
角強而實皆是龍蛻非實死也穀曰剡州滄州太原
者為上其骨細文廣者是雌骨粗文狹者是雄五色
具者上白色黃色者中黑色者下凡經落不淨及婦
人採者不用普曰色青白者良恭曰今並出晉地生
硬者不好五色具者良其青黃赤白黑亦應隨色與

臟腑相合如五芝五石英五石脂而本經不論及頌
曰今河東州郡多有之李肇國史補云春水至時魚
登龍門蛻骨甚多人採為藥有五色者龍門是晉地
與本經合豈龍骨即此魚之骨乎又孫光憲北夢鎖
言云五代時鎮州闔殺一龍鄉豪曹寬取其雙角角
前一物如藍色丈如亂錦人莫知識則龍亦有死者
矣宗奭曰諸說不一終是臆度曾有崖中崩出一副
皮體頭角皆備不知蛻耶斃耶謂之蛻斃則有形之
物不得生見死方可見謂之化則其形獨不可化與
璣曰經文言死龍之骨若以謂蛻終是臆說時珍曰
龍骨本經以為死龍陶氏以為蛻骨蘇冠諸說皆兩
疑之竊謂龍神物也似無自死之理然觀蘇氏所引
闕死之龍及左傳云秦龍氏醢龍以食述異記云漢
和帝時大雨龍墮宮中帝命作羹賜羣臣博物志云
張華得龍肉鮓言得醋則生五色等說
是龍固有自死者矣當以本經為正

修治

穀曰凡用龍骨先煎香草湯浴兩度搗粉絹袋盛之用燕子一隻去腸肚安袋于內懸井面上

一宿取出研粉入補腎藥中其効如神時珍曰近世方法但煨赤為粉亦有生用者事林廣記云用酒浸一宿焙乾研粉水飛三度用如急用以酒煮焙乾或云凡入藥須水飛過晒乾每觔用黑豆一斗蒸一伏時晒乾用否則著人腸胃晚年作熱也

氣味甘平無毒

別錄曰微寒權曰有小毒忌魚及鐵器之才曰得人參牛黃良畏石膏時

珍曰許洪云牛黃惡龍骨而龍骨得牛黃更良有以制伏也其氣收陽中之陰入手足少陰厥陰經主

治心腹鬼疰精物老魅欬逆洩痢膿血女子漏下癥

瘕堅結小兒熱氣驚癇

本經

心腹煩滿恚怒氣伏在心

下不得喘息腸癰內疽陰蝕四肢痿枯夜卧自驚汗

出止汗縮小便溺血養精神定魂魄安五臟白龍骨

主多寐洩精小便洩精

別錄

逐邪氣安心神止夜夢鬼

交虛而多夢紛紜止冷痢下膿血女子崩中帶下

甄權

懷孕漏胎止腸風下血鼻洪吐血止瀉痢渴疾健脾

澀腸胃

日華

益腎鎮驚止陰瘡收濕氣脫肛生肌斂瘡

時珍

發明

數曰氣入丈夫腎臟中故益腎藥宜用之時珍曰澀可去脫故成氏云龍骨能收斂浮越之正

氣固大腸而鎮驚
又主帶脈為病

附方

舊十一
新七

健忘

久服聰明益智慧用白龍骨遠志
等分為末食後酒服方寸七日三

千勞心夢洩

龍骨遠志等分為末煉蜜丸如梧子大
硃砂為衣每服三十丸蓮子湯下心統

暖精益陽

前方去硃砂每冷水空
心下三十丸

睡即洩精

白龍骨
四分韭

子五合為散空心酒
服方寸七

遺尿淋瀝

白龍骨桑螵蛸等分
為末每鹽湯服二錢

梅師

老瘡不止

龍骨末方寸七先發一時酒一升
半煮三沸及熱服盡溫覆取汗即

効後泄瀉不止

白龍骨白石脂等分為末水丸梧子
大紫蘇木瓜湯下量大人小兒用

心傷寒毒痢

傷寒八九日至十餘日大煩渴作熱三
焦有瘡壘下痢或張口吐舌目爛口舌

生瘡不識人用此除熱毒止痢龍骨半觔水一斗熱煮四升沈之井底冷服五合漸漸進之外臺方

病下痢

欲死者龍骨半觔研水一斗煮取五升候極冷稍飲得汗即愈効肘後方久痢

休息

不止者龍骨四兩打碎水五升煮取二升半分五服冷飲仍以米飲和丸每服十丸肘後方

久痢脫肛

白龍骨粉撲之鼻衄眩胃欲死者龍骨末吹之梅師方

吐血衄血九竅出血

並用龍骨末吹入鼻中昔有人衄血一斛衆方不止用此即斷

陳言
三因方

耳中出血

龍骨末吹入男婦溺血龍骨末水服方寸匕

日三
千金方

小兒臍瘡

龍骨煨研敷陰囊汗癢龍骨牡蠣粉撲之

醫宗

三法